

UGOVOR

*o nabavci i isporuci licenciranih softvera za potrebe osnovnih i srednjih škola u nadležnosti
Ministarstva za obrazovanje, nauku i mlade Kantona Sarajevo*

Zaključen dana 06.07.2020. godine između:

I – UGOVORNE STRANE

KANTON SARAJEVO

MINISTARSTVO ZA OBRAZOVANJE, NAUKU I MLADE KANTONA SARAJEVO,
sa sjedištem u Sarajevu, Ul. Reisa Džemaludina Čauševića br. 1, kojeg zastupa Mr. Anis
Krivić, ministar (u daljem tekstu: **Naručilac**), identifikacijski broj: 4200666870003
(u daljem tekstu – **Naručilac**)

i

QSS d.o.o. - Društvo za softversku tehnologiju Sarajevo sa sjedištem u Sarajevu, Ul.
Branilaca Sarajeva 20, identifikacijski broj: 4200103980007, PDV broj: 200103980007,
transakcijski račun broj 1610000009110057 otvoren kod Raiffeisen banka d.d. Sarajevo,
kojeg zastupa i predstavlja direktor Isan Selimović (u daljem tekstu: **Isporučilac**).

II – PREDMET UGOVORA

Član 1.

Naručilac naručuje, a Isporučilac preuzima obavezu da za račun Naručioca, a prema uslovima
i odredbama ovog Ugovora i na osnovu usaglašene ponude br. 31/20 od 22.06.2020.
godine, izvrši nabavku i isporuku 4000 licenci za softver OS Windows i MS Office za
potrebe osnovnih i srednjih škola u nadležnosti Ministarstva za obrazovanje, nauku i mlade
Kantona Sarajevo, za period od godine dana.

Član 2.

Isporučilac se obavezuje da, po nalogu Naručioca, a na osnovu prethodno usaglašene i od
strane Naručioca usvojene ponude, isporuku licenci iz člana 1. ovog ugovora izvrši prema
prihvaćenim uslovima, a sve u skladu sa odredbama ovog Ugovora.

III – KVALITET I OBIM

Član 3.

Isporučilac se obavezuje da sve ugovorene obaveze izvrši prema važećim propisima,
standardima i normativima za ovu vrstu poslova.

Član 4.

Eventualna odstupanja od uslova koji su definirani kroz prihvaćenu ponudu, moraju biti
prethodno odobrena od strane Naručioca.

Redak.

IV – KONTROLA

Član 5.

Stručni nadzor nad realizacijom ovog posla vršit će ovlaštena lica ispred Ministarstva za obrazovanje, nauku i mlade Kantona Sarajevo, Stručni savjetnik za informatizaciju obrazovanja i nauke, **Burim Adžanel**.

Ovlašteno lice za realizaciju poslova po ovom Ugovoru ispred Isporučioca je **Ana Markić-Lončarević**.

V – GARANCIJA O KVALITETU

Član 6.

Isporučilac daje garanciju na kvalitet i vjerodostojnost isporučenih licenci u periodu od 1 (jedne) godine od dana izvršene primopredaje istih.

VI – CIJENA

Član 7.

Cijena robe iz člana 1. ovog ugovora bez PDV-a iznosi **37.720,00 KM**.

Ponuda sa ugovorenim jediničnim cijenama i ukupnom cijenom nalaze se u prilogu ovog Ugovora i čine njegov sastavni dio.

Član 8.

Isporučilac nema pravo na promjenu ugovorenih jediničnih cijena, po bilo kom osnovu i u tom smislu jedinične cijene utvrđene prihvaćenom ponudom, smatraju se fiksnim i nepromjenljivim.

VII – NAČIN I USLOVI PLAĆANJA

Član 9.

Cijena ostaje fiksna za vrijeme trajanja ugovora.

Član 10.

Naručilac će plaćanje ugovorenih obaveza Pružaocu izvršiti u roku od 30 (trideset) dana od dana dostavljene fakture za isporučene robe na transakcijski račun Isporučilaca broj 1610000009110057 otvoren kod Raiffeisen banka d.d. Sarajevo.

Isporučilac je saglasan da Naručiocu neće zaračunavati zatezne kamate za zakašnjenje pri plaćanju preko „Trezora”, ako je Naručilac u ugovorenom roku predao nalog za plaćanje, a Isporučilac primio uplatu sa odgodom od jednog ili više dana od ugovorenog roka iz stava 1. ovog člana.

Član 11.

Isporučilac zadržava pravo vlasništva nad robom sve do potpunog izmirenja računa.

VIII – ROKOVI I USLOVI REALIZACIJE POSLOVA

Član 12.

Rok za realizaciju svih ugovorenih poslova po ovom Ugovoru je **7** dana od dana potpisivanja Ugovora.

Red.

Član 13.

Isporučilac poslova je odgovoran za kvalitet i vjerodostojnost isporučenih licenci.

Član 14.

Isporučilac je obavezan da realizaciju ugovorenih poslova obavi u skladu sa važećim propisima, uz poštivanje svih pravila koje zahtjeva vlasnik licenci, a koja nisu u suprotnosti sa važećom zakonskom regulativom.

Član 15.

Isporučilac je dužan pismeno obavijestiti Naručioca o svim eventualnim nemogućnostima ispunjenja isporuke i važenja licenci po ovom ugovoru. Naručilac će nakon pismenog obrazloženja za razloge neispunjenja ugovorne obaveze raskinuti ugovor, te ni Naručilac ni Isporučilac neće odgovarati za štetu koja nastane, usljed više sile.

IX – PENALI I KAZNA

Član 16.

U slučaju da Isporučilac svoju ugovorenu obavezu ne izvrši u ugovorenom roku i u ugovorenom obimu, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od Ugovorene vrijednosti, za svaki dan zakašnjenja, a najviše do 5% od ugovorene vrijednosti poslova.

Član 17.

Ugovorena kazna će biti obračunata kroz isplatu ukupne vrijednosti ovog Ugovora.

X – IZMJENA ODREDBI UGOVORA, RASKID UGOVORA

Član 18.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi i kao takav dokument čini sastavni dio ovog Ugovora.

Član 19.

Svaka ugovorna strana ima pravo na jednostrani raskid ugovora u skladu sa zakonskim propisima.

XI – PRELAZNE I ZAVRŠNE ODREDBE

Član 20.

Sastavni dio ovog Ugovora čine:

1. usaglašena i od strane Naručioca prihvaćena ponuda Isporučioca posla br. 31/20 od 22.06.2020. godine.
2. sva druga obostrano usaglašena i ovjerena dokumentacija koja nastane tokom realizacije poslova po ovom Ugovoru.

Član 21.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

Član 22.

Ovaj ugovor stupa na snagu danom potpisa od strane ugovornih strana.

Član 23.

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

Isporučilac
QSS d.o.o
Direktor

Isan Selimović

Broj: 0907-01/20
Sarajevo, 09.07.2020. godine

QSS d.o.o. Sarajevo
Datum: 09. 07. 2020
Br. protokola: 952/20

Naručilac

Kanton Sarajevo

Ministarstvo za obrazovanje, nauku i mlade
Ministar

Mr. Anis Krivić

Broj: 11/07-11-13402-9/20
Sarajevo, 06.07.2020. godine

Red.